

JU Zavod za hitnu medicinsku pomoć kantona Sarajevo, ul. Kolodvorska br. 14, koju zastupa direktorica Prim.dr. Sena Softić-Talijanović (u daljem tekstu Klijent),

Fuad Golić, advokat iz Sarajeva, Mis Irbina 16/1 (u daljem tekstu Advokat) (zajedno nazvani: ugovorne strane)

Sklopili su u Sarajevu dana 13.06.2017. godine sljedeći:

UGOVOR O PRUŽANJU ADVOKATSKIH USLUGA

Ugovorne strane saglasno konstatuju:

- Da je Klijent, a na osnovu poziva za dostavu ponuda, broj: 1474-1 od 12.04.2017. godine, CPV oznaka: 79150-5 za nabavku advokatskih usluga za period od godinu dana sproveo postupak dodjele ugovora iz aneksa II. Dio B u skladu sa odredbama Zakona o javnim nabavkama („Službene novine BiH“, br. 104/17)
- Da je advokat dostavio ponudu od 27.04.2017. godine, koja se nalazi u prilogu ugovora i sastavni je dio ugovora,
- Da ponuda advokata u potpunosti odgovara tehničkim specifikacijama iz javnog poziva za dostavu ponuda za advokatske usluge.

I PREDMET UGOVORA

Član 1.

Ugovorne strane su saglasne da ovim Ugovorom uredi međusobna prava i obaveze, a u skladu da objavljenom javnom nabavkom za pružanje advokatskih usluga, broj: 1474-1 od 12.04.2017. godine po kojoj je Advokat izbran kao najpovoljniji ponuđač.

Član 2.

Advokat se obavezuje da zastupa Klijenta i odgovorno lice u postupcima pred nadležnim sudovima i organima uprave, te obavlja sljedeće pravne radnje: da sastavlja i predaje tužbe, odgovore na tužbe, podnosi prijedloge za izvršenje, podnosi prigovore, sastavlja žalbe, odgovore na žalbe, izjavljuje revizije, daje odgovore na revizije, daje pravne savjete u vezi predmeta koji su predmetom sudskog ili upravnog postupka u kojima se Klijent javlja kao tužitelj, tuženi ili sudionik upravnog postupka.

Advokat se obavezuje da sastavlja i razne vrste drugih podnesaka i iste dostavlja nadležnim sudovima, ustanovama i organima uprave (molbe, pritužbe urgencije, zahtjevi, dopune, predstavke i dr), te da daje i druge usmene i pismene pravne savjete na zahtjev Klijenta.

Član 3.

Advokat se obavezuje da će klijenta zastupati u skladu sa pravilima advokatske profesije.

Advokat je dužan da se pridržava rokova koje sud ili upravni organ utvrdi vezanim za zastupanje u svim predmetima u prvostepenom i drugostepenom postupku i postupku po reviziji.

Član 4.

Klijent se obavezuje da na zahtjev advokata, u cilju omogućavanja efikasnog vođenja postupka:

- Izda advokatu uredno punomoć za zastupanje,
- blagovremeno advokatu dostavi svu neophodnu dokumentaciju u cilju uspješnog vođenja postupka.

II ROK CIJENE I NAČIN PLAĆANJA

Član 5.

Vrijednost ovog ugovora je 12.500,00 KM. Advokat nije PDV obveznik.

Član 6.

Klijent je obavezan snositi advokatske troškove, troškove sudske takse, vještačenja prema odluci suda, pribavljanja izvoda iz registra udruženja, registra pravnih lica, izvoda iz Centralne banke, objave tužbe i presude u novinama, kao i druge troškove u toku postupka.

Član 7.

Ugovorne strane su se sporazumjele da će Klijent Advokatu za pružanje advokatskih usluga u skladu sa ovim ugovorom plaćati mjesečno iznos od 1.040, 00 KM.

Član 8.

Advokat će Klijentu ispostavljati fakture na iznos naveden u članu 7. ovog ugovora do 5. u mjesecu za prethodni mjesc.

Klijent je obavezan da fakture koje zaprimi od Advokata plati u roku od 7 dana od dana prijema.

III ZAVRŠNE ODREDBE

Član 9.

Ovaj ugovor stupa na snagu kada ga potpišu obje ugovorne strane i traje 1 /jednu/ godinu dana odnosno od dana 15.06.2017. godine do 14.06.2018. godine.

Svaka ugovorna strana može pismenim putem otkazati ovaj ugovor u roku od 30 dana.

Advokat je dužan da u otkaznom roku preduzima sve neophodne radnje u korist Klijenta iz člana 2. ovog Ugovora.

Član 10.

U slučaju raskida ovog ugovora kao i u slučajevima okončanja predmetnog spora, advokat je dužan da Klijentu preda svu dokumentaciju vezanu za Klijenta.

Član 11.

Sva pitanja koja su regulisana ovim ugovorom predstavljaju povjerljive informacije i tiču samo ugovornih strana. Ugovorne strane se obavezuju da informacije koje su predmet ovog ugovora neće davati trećim licima.

Član 12.

Ovaj ugovor stupa na snagu kada ga potpišu ugovorne strane.

Član 13.


Ugovorne strane će sve eventualne sporove proistekle iz ovog ugovora pokušati da riješe mirnim putem, a ukoliko to ne uspiju ugovara se nadležnost Općinskog suda u Sarajevu.

Član 14.

Ovaj Ugovor je sačinjen u četiri /4/ istovjetna primjerka, od kojih svaka ugovorna strana zadržava po dva /2/ primjerka.


U Sarajevu, 13.06.2017. godine.

Advokat:


Fuad Golić
ADVOKAT
Fuad Golić
B. Mis Irbina br. 16/I
71000 Sarajevo
Mob: 061 151 011

Klijent:

JU Zavod za hitnu medicinsku pomoć
Kantona Sarajevo


Direktorica, Prim. Dr. Sena Softić Taljanović

01-2435
13.06
17